

organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13, 27/14 i 33/19), preporuke Komisije za pripremu Odluke o slobodnim lokacijama za osnivanje apoteka za 2024. godinu na području Kantona Sarajevo, Ministarstvo zdravstva Kantona Sarajevo donosi

ODLUKU O STAVLJANJU VAN SNAGE ODLUKE O SLOBODNIM LOKACIJAMA ZA OSNIVANJE APOTEKA ZA 2024. GODINU NA PODRUČJU KANTONA SARAJEVO

I

Ovom Odlukom stavlja se van snage Odluka o slobodnim lokacijama za osnivanje apoteka za 2024. godinu na području Kantona Sarajevo broj 10-04-931/24 od 22.03.2024. godine ("Službene novine Kantona Sarajevo" broj 12/24).

II

Ova odluka stupa na snagu narednog dana od dana objave u "Službenim novinama Kantona Sarajevo", a objavit će se i na web stranici Ministarstva zdravstva Kantona Sarajevo.

Broj 10-04-931-1/24
15. maja 2024. godine
Sarajevo

Ministar
Mr. sci. dr. med. **Enis
Hasanović**, s. r.

Ministarstvo saobraćaja Kantona Sarajevo

Na osnovu čl. 66. i 67. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i čl. 25. stav (6) i 102. stav (2) tačka h) Zakona o uređenju saobraćaja na području Kantona Sarajevo ("Službene novine Kantona Sarajevo", br. 30/17, 46/17 i 01/22), ministar saobraćaja Kantona Sarajevo donosi

PRAVILNIK O NAČINU I METODOLOGIJI IZRADE GODIŠNJEG IZVJEŠTAJA O STANJU SIGURNOSTI SAOBRAĆAJA I - UVODNE ODREDBE

Član 1.

(Predmet Pravilnika)

Ovim pravilnikom utvrđuju se subjekti i obaveze subjekata za pripremu Godišnjeg izvještaja, metodologija izrade Godišnjeg izvještaja o stanju sigurnosti saobraćaja na području Kantona Sarajevo (u daljem tekstu: Godišnji izvještaj), rokovi za dostavljanje podataka za izradu Godišnjeg izvještaja, te sadržaj podataka za izradu Godišnjeg izvještaja.

II - SUBJEKTI

Član 2.

(Subjekti pripreme Godišnjeg izvještaja)

Subjekti koji učestvuju u pripremi Godišnjeg izvještaja u smislu ovog pravilnika su:

- Ministarstvo unutrašnjih poslova Kantona Sarajevo (u daljem tekstu: MUP);
- Ministarstvo saobraćaja Kantona Sarajevo (u daljem tekstu: Ministarstvo saobraćaja);
- nadležni upravitelji cesta na području Kantona Sarajevo;
- nadležni inspekcijiski organi.

Član 3.

(Obaveze subjekata za pripremu Godišnjeg izvještaja)

- Za pripremu Godišnjeg izvještaja, subjekti iz člana 2. ovog pravilnika dostavljaju Ministarstvu saobraćaja sljedeće dokumente:
 - MUP dostavlja informaciju o saobraćajnim nezgodama i posljedicama za prethodnu kalendarsku godinu, kao i podatke o broju registrovanih vozila;
 - Upravitelji javnih cesta dostavljaju Godišnji izvještaj o stanju na cestama kojima upravljaju;
 - Nadležni inspekcijiski organi dostavljaju izvještaj o obavljenim inspekcijiskim nadzorima na cestama u Kantonu Sarajevo, kao i o utvrđenim neregularnostima i posljedicama istih, te sve druge podatke o preduzetim mjerama iz svoje nadležnosti u oblasti sigurnosti saobraćaja.
- Ministarstvo saobraćaja će zatražiti Godišnji izvještaj o stanju na cestama od nadležnih upravitelja cesta višeg ranga, a koje su na području Kantona Sarajevo.
- U skladu sa članom 12. Zakona o uređenju saobraćaja na području Kantona Sarajevo ("Službene novine Kantona Sarajevo", br. 30/17, 46/17 i 01/22), Ministarstvo saobraćaja priprema godišnju informaciju koja je sastavni dio Programa rada Ministarstva i čiji sadržaj se odnosi na praćenje stanja u oblasti sigurnosti saobraćaja, predloženim mjerama, pripremi, sprovođenju kontrole sistema usvojenih mjera u cilju poboljšanja nivoa sigurnosti saobraćaja na mreži cesta i ulica na području Kantona Sarajevo, a koja se godišnje dostavlja Vladi Kantona Sarajevo (u daljem tekstu: Vlada) na razmatranje.
- Na osnovu prikupljenih podataka iz st. (1), (2) i (3) ovog člana, Ministarstvo saobraćaja priprema Godišnji izvještaj prema utvrđenoj metodologiji.
- Dokumenti iz st. (1) i (2) ovog pravilnika dostavljaju se Ministarstvu saobraćaja u pisanoj i elektronskoj formi.

III - METODOLOGIJA

Član 4.

(Metodologija izrade Godišnjeg izvještaja)

- MUP dostavlja podatke za izradu Godišnjeg izvještaja Ministarstvu saobraćaja iz informacije koju upućuje Vladi Kantona Sarajevo u skladu sa Programom rada.
- Nadležni upravitelji podatke za izradu Godišnjeg izvještaja dostavljaju Ministarstvu saobraćaja na obrascu čiju formu utvrđuje Ministarstvo saobraćaja.
- Nadležni inspekcijiski organi podatke za izradu Godišnjeg izvještaja dostavljaju u slobodnoj formi.
- Konačan Godišnji izvještaj Ministarstvo saobraćaja upućuje Vijeću za sigurnost saobraćaja na cestama u Kantonu Sarajevo (u daljem tekstu: Vijeće) i Vladi.

Član 5.

(Rokovi)

- Subjekti iz člana 3. ovog Pravilnika dužni su Ministarstvu saobraćaja podatke za prethodnu godinu dostaviti najkasnije do 31. januara tekuće godine.
- Ministarstvo saobraćaja konačan Godišnji izvještaj dostavlja Vijeću i Vladi najkasnije do prvog marta tekuće godine.

IV - SADRŽAJ

Član 6.

(Sadržaj Godišnjeg izvještaja)

- Godišnji izvještaj sadrži:

- uvodni dio (podaci o broju registrovanih vozila, frekvenciji kretanja vozila, broju stanica za tehnički pregled vozila, intenzitetu i strukturi saobraćaja, o cestama, vozačima, autoškolama, broju izrečenih sankcija u saobraćaju i sl.),
- pregled stanja javnih cesta i drugih saobraćajnih površina,
- analiza stanja sigurnosti saobraćaja na području Kantona Sarajevo,
- prijedlog mjera za poboljšanje stanja sigurnosti saobraćaja na području Kantona Sarajevo.

V - PRELAZNE I ZAVRŠNE ODREDBE**Član 7.**

(Rodna ravnopravnost)

Izrazi koji su u ovom pravilniku radi preglednosti dati u jednom gramatičkom rodu, bez diskriminacije se odnose i na muški i na ženski rod.

Član 8.

(Stupanje na snagu)

Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 04-04-10768/24

13. maja 2024. godine
SarajevoMinistar
Adnan Šteta, s. r.**Ministarstvo privrede Kantona Sarajevo**

Na osnovu člana 70. stav (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), tačke 1. Zaključka Vlade Kantona Sarajevo, broj 02-04-43961-47.1/22 od 27.10.2022. godine, ministar Ministarstva privrede Kantona Sarajevo donosi

ODLUKU**Član 1.**

Daje se saglasnost Javnoj ustanovi "Centar za napredne tehnologije u Sarajevu" za odlazak rukovodioca ove Javne ustanove na službeni put u Dohu, Katar, u periodu od 19.05.2024. godine do 22.05.2024. godine.

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 07-04-14-27764-1/24

13. maja 2024. godine
SarajevoMinistar
Zlatko Mijatović, s. r.**Ministarstvo finansija Kantona Sarajevo**

Na osnovu čl. 59. stav (4) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 13/14, 8/15, 9/15, 102/15, 104/16, 5/18, 11/19, 99/19 i 25a/22) i čl. 17. stav (1) i stav (3) Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23), po zahtjevu Ministarstva za nauku, visoko obrazovanje i mlade Kantona Sarajevo, ministar finansija donosi slijedeću

**ODLUKU
O PRERASPODJELI SREDSTAVA U BUDŽETU
KANTONA SARAJEVO ZA 2024. GODINU ZA
BUDŽETSKOG KORISNIKA MINISTARSTVO ZA
NAUKU, VISOKO OBRAZOVANJE I MLADE KANTONA
SARAJEVO**

- Odobrava se preraspodjela sredstava u Budžetu Kantona Sarajevo za 2024. godinu, sredstva u iznosu 142.000 KM u razdjelu 35010001 Ministarstvo za nauku, visoko obrazovanje i mlade Kantona Sarajevo i to:

Raz	Glava	Potrjed	Ekon. kod	Sub-analitička	Funkcija	OPIS	Iznos u KM	
35	01	0001	35010001			Ministarstvo za nauku, visoko obrazovanje i mlade Kantona Sarajevo		
						Sa ekonomskog koda (Izvor 10)		
35	01	0001	35010001	6139	0A001	098	Formiranje za izradu masovnih planova (programa, zakona i podzakonskih akata)	2.000
35	01	0001	35010001	6143	0A001	094	Taluci transferi neprofitnim organizacijama i inkluzija - visoko obrazovanje	140.000
						Na ekonomski kod (Izvor 10)		
35	01	0001	35010001	6111		098	Bruto plaće i naknade plaća	60.000
35	01	0001	35010001	6112	0A004	098	Opremnine zbog odlaska u penziju	2.000
35	01	0001	35010001	6121		098	Doprinosi poslodavca	10.000
35	01	0001	35010001	8213	0A003	098	Nebavka opreme	70.000

- Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-11-8165/24

13. marta 2024. godine
SarajevoMinistar
Dr. Afan Kalamujić, s. r.

Na osnovu čl. 59. stav (4) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 13/14, 8/15, 9/15, 102/15, 104/16, 5/18, 11/19, 99/19 i 25a/22) i čl. 17. stav (1) i stav (3) Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23), po zahtjevu JU OŠ "Hasan Kikić", ministar finansija donosi slijedeću

ODLUKU**O PRERASPODJELI SREDSTAVA U BUDŽETU
KANTONA SARAJEVO ZA 2024. GODINU ZA
BUDŽETSKOG KORISNIKA JU OŠ "HASAN KIKIĆ"**

- Odobrava se preraspodjela sredstava u Budžetu Kantona Sarajevo za 2024. godinu, sredstva u iznosu 17.622 KM u razdjelu 21020009 JU OŠ "Hasan Kikić" i to:

Raz	Glava	Potrjed	Ekon. kod	Sub-analitička	Funkcija	OPIS	Iznos u KM
21	02	0009	21020009			JU OŠ "Hasan Kikić"	
						Sa ekonomskog koda (Izvor 10)	
21	02	0009	21020009	6111	091	Bruto plaće i naknade plaća	17.622
						Na ekonomski kod (Izvor 10)	
21	02	0009	21020009	6139	091	Ugovorene i druge posebne usluge	17.622

- Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-11-9280/24

14. marta 2024. godine
SarajevoMinistar
Dr. Afan Kalamujić, s. r.

Na osnovu čl. 59. stav (4) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 13/14, 8/15, 9/15, 102/15, 104/16, 5/18, 11/19, 99/19 i 25a/22) i čl. 17. stav (1) i stav (3) Zakona o izvršavanju Budžeta Kantona Sarajevo za 2024. godinu ("Službene novine Kantona